

**Bosna i Hercegovina**

**BRČKO DISTRIKT**

Bosne i Hercegovine

**VLADA BRČKO DISTRIKTA**

Odjeljenje - Odjel za obrazovanje



**Босна и Херцеговина**

**БРЧКО ДИСТРИКТ**

Босне и Херцеговине

**ВЛАДА БРЧКО ДИСТРИКТА**

Одјељење - Одјел за образовање

Bulevar Mira 1. 76100 Brčko Distrikt BiH  
Telefon: 049 214 503. Faks: 049 214 503.

www.bdccentral.net  
obrazovanje@bdccentral.net

Булевар Мира 1. 76100 Брчко Дистрикт БиХ  
Телефон: 049 214 503. Факс: 049 214 503.

**Broj predmeta: UP-I-37-000173/18**

Broj akta: 07-1626SO-031/26

Datum, 2. 3. 2026.. godine

Mjesto, Brčko

Na osnovu člana 22. Zakona o Vladi Brčko distrikta Bosne i Hercegovine – prečišćeni tekst (“Službeni glasnik Brčko distrikta BiH”, broj: 27/23 - prečišćeni tekst, 23/24 i 38/25), člana 201. Zakona o upravnom postupku Brčko distrikta Bosne i Hercegovine („Službeni glasnik Brčko distrikta BiH broj: 48/11 – prečišćen tekst, 21/18 i 23/19), a u skladu sa članom 14. stav (1) tačka e) i p), članom 35a. stav (4) Zakona o visokom obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 21/24 – prečišćen tekst i 4/26), Pravilnika o akreditaciji visokoškolskih ustanova i studijskih programa u Brčko distriktu Bosne i Hercegovine („Službeni glasnik Brčko distrikta BiH“, broj: 50/18, 34/19, 27/23 i 10/25), u vezi sa Preporukama za regulisanje postupka akreditacije visokoškolskih ustanova i studijskih programa 1. i 2. ciklusa studija u Bosni i Hercegovini („Službeni glasnik BiH“, broj: 34/23 i 34/25), a postupajući po zahtjevu visokoškolske ustanove Internacionalni univerzitet u Brčko distriktu Bosne i Hercegovine, broj: I-01-41/26 od 6.2.2026. godine, šef Odjeljenja za obrazovanje Vlade Brčko distrikta Bosne i Hercegovine d o n o s i

**DOPUNSKO RJEŠENJE**  
**O PRODUŽENJU ROKA VAŽENJA INSTITUCIONALNE AKREDITACIJE**  
**VISOKOŠKOLSKKE USTANOVE INTERNACIONALNI UNIVERZITET U BRČKO**  
**DISTRIKTU BOSNE I HERCEGOVINE**

1. U Rješenju o institucionalnoj akreditaciji visokoškolske ustanove Internacionalni univerzitet u Brčko distriktu Bosne i Hercegovine broj predmeta: UP-I-37-000173/18, broj akta: 08-1246ZB-030/22 od 2.2.2022. godine, dodaju se nove tačke **V., VI., VII. I VIII.** koje glase:

**V.**

Produžava se rok važenja institucionalne akreditacije visokoškolskoj ustanovi Internacionalni univerzitet u Brčko distriktu Bosne i Hercegovine dodijeljen Rješenjem o institucionalnoj akreditaciji visokoškolske ustanove Internacionalni univerzitet u Brčko distriktu Bosne i Hercegovine broj predmeta: UP-I-37-000173/18, broj akta: 08-1246ZB-030/22 od 2.2.2022. godine, jer postupak institucionalne reakreditacije započet zahtjevom visokoškolske ustanove Internacionalnog univerziteta u Brčko distriktu Bosne i Hercegovine broj: I-01-180/25 od 22.8.2025. godine, zaprimljen u broju predmeta: 37-000840/25 broj od 22.8.2025. godine kod Odjeljenja za obrazovanje iz objektivnih razloga neće biti okončan do dana 7.3.2026. godine, odnosno do isteka roka važenja institucionalne akreditacije.

**VI.**

Utvrđuje se novi rok važenja institucionalne akreditacije visokoškolskoj ustanovi Internacionalni univerzitet u Brčko distriktu Bosne i Hercegovine, a koji ne može biti duži od

18 (osamnaest) mjeseci od isteka prethodne akreditacije, odnosno od dana isteka pravosnažnog rješenja o institucionalnoj akreditaciji predmetne visokoškolske ustanove broj predmeta: UP-I-37-000173/18, broj akta: 08-1246ZB-030/22 od 2.2.2022. godine.

## VII.

Rok institucionalne akreditacije predmetne visokoškolske ustanove se produžava do 6.9.2027. godine.

## VIII.

Ukoliko se postupak institucionalne akreditacije predmetne visokoškolske ustanove završi prije isteka roka iz tačke VII. dispozitiva rješenja, Odjeljenje za obrazovanje će donijeti Rješenje o institucionalnoj akreditaciji u skladu s važećim propisima.

### 2. Ovo rješenje stupa na snagu danom donošenja.

## O b r a z l o ž e n j e

Visokoškolska ustanova Internacionalni univerzitet u Brčko distriktu Bosne i Hercegovine podnijela je Odjeljenju za obrazovanje Vlade Brčko distrikta Bosne i Hercegovine zahtjev za institucionalnu reakreditaciju broj: I-01-180/25 od 22.8.2025. godine. Podneseni zahtjev Odjeljenje za obrazovanje je zaprimilo pod brojem predmeta: 37-000840/25 broj od 22.8.2025. godine.

Nakon zaprimljenog zahtjeva za akreditaciju, Odjeljenje za obrazovanje je u skladu s odredbom člana 12. stav (3) Pravilnika o izmjenama i dopunama Pravilnika o akreditaciji visokoškolskih ustanova i studijskih programa u Brčko distriktu BiH („Službeni glasnik Brčko distrikta BiH“ broj: 10/25), aktom broj: 37-000933/25 od 16.9.2025. godine podnijelo inicijativu za pokretanje inspekcijskog nadzora radi utvrđivanja usklađenosti rada sa zakonom i podzakonskim aktima visokoškolskih ustanova koje su podnijele zahtjeve za akreditaciju.

U skladu s navedenim aktom Odjeljenja za obrazovanje Kancelarija gradonačelnika – Inspektorat – Inspektor za obrazovanje, je dana 9.10.2025. godine dostavila Odjeljenju za obrazovanje akt broj: 37-000993/25 broj akta: 01.6-1313AR-002/25 od 9.10.2025. godine, kao i priloge uz akt, i to: Rješenje Inspektora za obrazovanje UP-I-37-000146/25 od 19.9.2025. godine, Ugovor o zakupu poslovnog prostora od 70 m<sup>2</sup> od 3.6.2025. godine i Rješenje Odjeljenja za obrazovanje (licenca) broj predmeta: UP-I-37-000004/12 od 11.1.2012. godine. Navedenim aktom Inspektor za obrazovanje je obavijestio Odjeljenje za obrazovanje da je vršeći inspekcijski nadzor na Internacionalnom univerzitetu u Brčko distriktu BiH utvrdio da predmetna visokoškolska ustanova posluje na dvije adrese, za koje nema adekvatnu dozvolu nadležnog organa, da je Inspektor za obrazovanje donio rješenje o zabrani rada broj: UP-I-37-000146/25 od 19.9.2025. godine jer univerzitet ne ispunjava osnovne uslove za rad, o čemu je Odjeljenje obaviješteno aktom broj: 37-000725/25 od 23.9.2025. godine, dalje navodeći da je navedeni postupak još u toku, te da pitanje akreditacije se ne bi uopšte trebalo razmatrati dok se ne riješi pitanje sjedišta i prostora univerziteta kao prethodno pitanje.

U skladu s članom 13. stav (3) Pravilnika o akreditaciji visokoškolskih ustanova i studijskih programa u Brčko distriktu BiH („Službeni glasnik Brčko distrikta BiH“ broj: 50/18, 34/19, 27/23 i 10/25) propisano je da: „Ukoliko se u postupku provjere legitimnosti, na osnovu podataka nadležnog Odjeljenja ili nadležnog inspekcijskog organa, utvrdi da je u toku upravni postupak čiji ishod može uticati na legitimnost ustanove za akreditaciju, postupak se privremeno prekida dok nadležni organ ne odluči po prethodnom pitanju, a stavom 4. istog člana navedenog Pravilnika propisano je da: „O prekidu postupka Odjeljenje za obrazovanje donosi odgovarajući akt, protiv kojeg je dopuštena žalba“, a stavom 5 istog člana navedenog Pravilnika da: „Ukoliko se prethodno pitanje ne riješi u razumnom roku, a najduže šest mjeseci, Odjeljenje za obrazovanje može zahtijevati ažuriranje dostavljene dokumentacije visokoškolske ustanove i studijskih programa“.

Dana 20.10.2025. godine Odjeljenje za obrazovanje zaprimilo je dopunu Zahtjeva za akreditaciju Internacionalnog univerziteta u Brčko distriktu BiH, a u kojoj je dostavljeno Rješenje o lokacijskim uslovima broj predmeta: UP-I-22-001919/25 broj akta: 06-0311SJ-003/25 od 20.10.2025. godine, izdato od Odjeljenja za prostorno planiranje i imovinsko pravne poslove Vlade Brčko distrikta BiH sa pečatom – konačnosti od 20.10.2025. godine, zaprimljeno u broju predmeta 37-000840/25 od 20.10.2025. godine. Uvidom u navedeno rješenje konstatovano je da u skladu s tačkom III podtačka 1. dispozitiva rješenja utvrđena vrsta djelatnosti: iz opšte poslovne djelatnosti u visokoškolske obrazovanje, a tačkom IV dispozitiva rješenja određeno da u skladu s članom 95. stav 1) tačka d) Zakona o prostornom planiranju i građenju, predmetnu izvedenu promjenu djelatnosti nije potrebno rješenje o odobranju za građenje.

Odjeljenje za obrazovanje je Zaključkom broj predmeta: 37-000840/25 broj akta: 07-1626SO-003/25 od 31.10.2025. godine privremeno prekinulo postupak u predmetu provođenja postupka akreditacije pokrenut po zahtjevu za akreditaciju visokoškolske ustanove Internacionalni univerzitet u Brčko distriktu Bosne i Hercegovine, broj: I-01-180/25 od 22.8.2025. godine, zaprimljen u broju predmeta: 37-000840/25 od 22.8.2025. godine kod Odjeljenja za obrazovanje. Zaključak je postao konačan dana 26.11.2025. godine. Tačkom 2. dispozitiva navedenog Zaključka Odjeljenja za obrazovanje određeno je da prekid postupka traje dok Kancelarija gradonačelnika – Inspektor za obrazovanje, odnosno drugi nadležni organ ne riješi postupak oko zabrane rada zbog sjedišta i prostora visokoškolske ustanove iz tačke 1. dispozitiva navedenog zaključka, kao prethodno pitanje po Rješenju o zabrani rada broj: UP-I-37-000146/25, broj akta: 01.6-1313AR-012/25 od 19.9.2025. godine.

Dana 29.12.2025. godine Odjeljenje za obrazovanje je zaprimilo Rješenje Upravne inspektorice Kancelarije gradonačelnika Brčko distrikta BiH broj predmeta: UP-I-05-000060/25, broj akta: 01.9-0349VV-006/25 od 22.12.2025. godine, u kojem je tačkom 2 dispozitiva navedenog rješenja naloženo Odjeljenju za obrazovanje da nastavi postupak broj: 37-000840/25, započet po Zahtjevu visokoškolske ustanove Internacionalni univerzitet u Brčko distriktu Bosne i Hercegovine od dana 22.8.2025. godine, te o istom odluči u zakonskom roku, dok je tačkom 3. dispozitiva rješenja rok za preduzimanje radnji naloženih tačkom 2. dispozitiva odmah po prijemu navedenog rješenja.

Dana 12.1.2026. godine Apelaciona komisija Kancelarije gradonačelnika je Rješenjem broj predmeta: UP-II-37-000011/25 broj akta: 01.7-1187SGI-005/26 od 12.1.2026. godine poništila Rješenje Kancelarije gradonačelnika Brčko distrikta BiH - Inspektora za obrazovanje, broj predmeta: UP-I-37-000146/25, broj akta: 01.6-1313AR-012/25 od 19.9.2025. godine kojim je Inspektor za obrazovanje zabranio rad predmetnoj visokoškolskoj ustanovi.

Imajući vidu da je Apelaciona komisija Kancelarije gradonačelnika Rješenjem broj predmeta: UP-II-37-000011/25 broj akta: 01.7-1187SGI-005/26 od 12.1.2026. godine poništila Rješenje Inspektora za obrazovanje Kancelarije gradonačelnika Brčko distrikta BiH broj predmeta: UP-I-37-000146/25 broj akta: 01.6-1313AR-012/25 od 19.9.2025. godine kojim je Inspektor za obrazovanje zabranio rad predmetnoj visokoškolskoj ustanovi, a zbog čijeg izvršenja je Odjeljenje za obrazovanje Zaključkom privremeno prekinulo postupak akreditacije visokoškolske ustanove Internacionalnog univerziteta u Brčko distriktu Bosne i Hercegovine, kao i rok utvrđen Rješenjem Upravne inspektorice postupak akreditacije nad radom predmetne visokoškolske ustanove, te da su navedena Rješenja Apelacione komisije Kancelarije gradonačelnika Brčko distrikta BiH broj predmeta: UP-II-37-000011/25 broj akta: 01.7-1187SGI-005/26 od 12.1.2026. godine i Upravne inspektorice Kancelarije gradonačelnika Brčko distrikta BiH broj predmeta: UP-I-05-000060/25, broj akta: 01.9-0349VV-006/25 od 22.12.2025. godine konačna u upravnom postupku, Odjeljenje za obrazovanje je donijelo Zaključak o nastavku postupka akreditacije predmetne visokoškolske ustanove.

Imajući u vidu naprijed navedeno, to je u skladu sa odredbama propisanim članom 133 stavom (1) Zakona o upravnom postupku u Brčko distriktu Bosne („Službeni glasnik Brčko distrikta BiH“ broj: 48/11 - prečišćen tekst i 21/18 i 23/19) propisano je da postupak prekinut zbog rješavanja prethodnog pitanja kod nadležnog organa nastaviti će se pošto rješenje doneseno o tom pitanju postane konačno, te je Odjeljenje za obrazovanje shodno navedenoj zakonskoj odredbi donijelo Zaključak o nastavku postupka broj predmeta: 37-000840/25 od 28.1.2026. godine u predmetu akreditacije pokrenutom po zahtjevu visokoškolske ustanove Internacionalnog univerziteta u Brčko distriktu Bosne i Hercegovine,

broj predmeta: 37-000840/25 od 22.8.2025. godine pokrenut kod Odjeljenja za obrazovanje, u roku utvrđenom po rješenju Upravne inspektorice Kancelarije gradonačelnika Brčko distrikta BiH broj: UP-I-05-000060/25, broj akta: 01.9-0349VV-006/25 od 22.12.2025. godine i elektronskom obavlještenju.

Odjeljenje za obrazovanje je nakon donošenja Zaključka o nastavku postupka akreditacije visokoškolske ustanove Internacionalni univerzitet u Brčko distriktu Bosne i Hercegovine broj predmeta: 37-000840/25 od 28.1.2026. godine, a u vezi s zaprimljenim zahtjevom za akreditaciju, ocjenjujući njegovu potpunost u pogledu dokumentacije i usklađenost s odredbama Pravilnika o akreditaciji visokoškolskih ustanova i studijskih programa u Brčko distriktu BiH („Službeni glasnik Brčko distrikta BiH“ broj: 50/18, 34/19, 27/23 i 10/25), u postupku utvrđivanja kompletnosti i legitimnosti zahtjeva za akreditaciju utvrdilo da je podneseni zahtjev nepotpun.

Uvidom u dostavljeni zahtjev za akreditaciju utvrđeno je da je isti blagovremen, ali nepotpun, te da nije dostavljena kompletna dokumentacija propisana Pravilnikom o akreditaciji visokoškolskih ustanova i studijskih programa u Brčko distriktu BiH i Preporukama za regulisanje postupka akreditacije visokoškolskih ustanova i studijskih programa 1. i 2. ciklusa studija u Bosni i Hercegovini („Službeni glasnik BiH“, broj 34/23 i 34/25) Agencije za razvoj visokog obrazovanja i osiguranje kvaliteta BiH. Uvidom u dostavljenu dokumentaciju utvrđeno je da ista nije dostavljena u skladu s članom 10., 11 i 12. Pravilnika o akreditaciji visokoškolskih ustanova i studijskih programa u Brčko distriktu BiH („Službeni glasnik Brčko distrikta BiH“ broj: 50/18, 34/19, 27/23 i 10/25).

Odredbom člana 13. stav (2) pravilnika propisano je da ukoliko se utvrdi da je podneseni zahtjev nepotpun, Odjeljenje za obrazovanje donosi odgovarajući akt kojim se traži od visokoškolske ustanove da u određenom roku podneseni zahtjev dopuni. Ukoliko visokoškolska ustanova u propisanom roku ne postupi u skladu s aktom Odjeljenja za obrazovanje, a kojim se traži dopuna zahtjeva, smatra se da je odustala od prethodno podnesenog zahtjeva, o čemu Odjeljenje za obrazovanje donosi odgovarajući akt kojim se postupak obustavlja.

Nakon zaprimljenog zahtjeva za akreditaciju, Odjeljenje za obrazovanje je ocjenjujući njegovu potpunost u pogledu dokumentacije i usklađenosti s odredbama navedenog pravilnika u skladu s odredbom člana 13 Pravilnika o akreditaciji visokoškolskih ustanova i studijskih programa u Brčko distriktu BiH („Službeni glasnik Brčko distrikta BiH“ broj: 50/18, 34/19, 27/23 i 10/25), u postupku utvrđivanja kompletnosti i legitimnosti zahtjeva za akreditaciju utvrdilo da je podneseni zahtjev nepotpun, te je Zaključkom broj predmeta: 37-000840/25, broj akta: 07-1626SO-009/26 od 18.2.2026. godine traženo od visokoškolske ustanove da isti dopuni. Postupajući po navedenom Zaključku Odjeljenja za obrazovanje, visokoškolska ustanova je dana 24.2.2026. godine, 25.2.2026. godine, 26.2.2026. godine i 2.3.2026. godine u ostavljenom roku, Odjeljenju dostavila traženu dokumentaciju pod brojem: I-01-53/26 od 24.2.2026. godine i brojem: I-01-58/26 od 25.2.2026. godine i brojem: I-01-76/26 od 26.2.2026. godine.

Odjeljenje za obrazovanje je, postupajući prema odredbama člana 14. Pravilnika o akreditaciji visokoškolskih ustanova i studijskih programa u Brčko distriktu Bosne i Hercegovine („Službeni glasnik Brčko distrikta BiH“, broj: 50/18, 34/19, 27/23 i 10/25), ocijenilo da je zahtjev i dostavljene dopune zahtjeva visokoškolske ustanove Internacionalnog univerziteta u Brčko distriktu Bosne i Hercegovine potpun u pogledu priložene dokumentacije i usklađenosti sa odredbama navedenog Pravilnika o akreditaciji, nakon čega su se stekli uslovi za utvrđivanje kompletnosti i legitimnosti zahtjeva za akreditaciju, u kojem postupku se tražilo od visokoškolske ustanove da izvrši dopunu zahtjeva, dostavi dokaz o uplati sredstava i ostale akte u skladu s članom 10., i 12. Pravilnika o akreditaciji visokoškolskih ustanova i studijskih programa u Brčko distriktu BiH („Službeni glasnik Brčko distrikta BiH“ broj: 50/18, 34/19, 27/23 i 10/25) i Preporukama za regulisanje postupka akreditacije visokoškolskih ustanova i studijskih programa 1. i 2. ciklusa studija u Bosni i Hercegovini („Službeni glasnik BiH“, broj 34/23 i 34/25), kao i ostale akte u skladu s utvrđenim tačkama iz dispozitiva zaključka.

Odredbom člana 35a. stav (4) Zakona o visokom obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 21/24 – prečišćen tekst i 4/26) propisano je da: „Ukoliko

se postupak akreditacije iz objektivnih razloga ne okonča u propisanom roku za one visokoškolske ustanove koje su prethodno prošle postupak akreditacije, Odjeljenje za obrazovanje **može donijeti dopunsko rješenje** u kojem se utvrđuje novi rok važenja akreditacije, a koji ne može biti duži od 18 mjeseci od isteka prethodne akreditacije, osim u slučaju kada se ustanovi u postupku izda pismo očekivanja gdje se rok dopunskog rješenja produžava do donošenja rješenja kojim će se postupak okončati. Visokoškolska ustanova Internacionalni univerzitet u Brčko distriktu Bosne i Hercegovine je ustanova koja je prethodno prošla postupak akreditacije, te kojoj je izdato Rješenje o institucionalnoj akreditaciji broj: UP-I-37-000173/18, broj akta: 08-1246ZB-030/22 od 2.2.2022. godine (rješenje postalo pravosnažno dana 7.3.2022. godine). S obzirom na to da postupak reakreditacije iz objektivnih razloga neće biti okončan do isteka roka iz Rješenja o akreditaciji Internacionalnog univerziteta u Brčko distriktu BiH, doneseno je rješenje u kojem se utvrđuje novi rok važenja akreditacije, **a koji ne može biti duži od 18 mjeseci od isteka roka akreditacije**, a što je u skladu sa članom 35a Zakona o visokom obrazovanju u Brčko distriktu BiH („Službeni glasnik Brčko distrikta BiH“, broj: 21/24 – prečišćen tekst i 4/26).

S obzirom da je odredbom člana 35a. stav (4) Zakona o visokom obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 21/24 – prečišćen tekst i 4/26) propisano da ukoliko se postupak akreditacije iz objektivnih razloga ne okonča u propisanom roku za one visokoškolske ustanove koje su prethodno prošle postupak akreditacije, Odjeljenje za obrazovanje može donijeti dopunsko rješenje u kojem se utvrđuje novi rok važenja akreditacije, a koji ne može biti duži od 18 mjeseci od isteka prethodne akreditacije i utvrđenu zakonom propisanu nadležnost za provođenje Preporuka Agencije za regulisanje postupka akreditacije visokoškolskih ustanova i studijskih programa 1. i 2. ciklusa studija u Bosni i Hercegovini („Službeni glasnik BiH“, broj: 34/23 i 34/25), postupljeno je u skladu s članom 14. i 35a. Zakona o visokom obrazovanju u Brčko distriktu BiH.

Analizirajući gore navedene zakonske i podzakonske odredbe, te gore navedene objektivne razloge, Odjeljenje za obrazovanje Vlade Brčko distrikta Bosne i Hercegovine cijeni da su ispunjeni svi propisani uslovi za izdavanje dopunskog rješenja o produženju roka institucionalne akreditacije podnositelju zahtjeva, te donosi odluku kao u dispozitivu ovog Rješenja.

Po jedan primjerak ovog rješenja dostavlja se visokoškolskoj ustanovi Internacionalni univerzitet u Brčko distriktu Bosne i Hercegovine i Agenciji za razvoj visokog obrazovanja i osiguranje kvaliteta Bosne i Hercegovine u cilju preduzimanja radnji i mjera propisanih Okvirnim zakonom o visokom obrazovanju u Bosne i Hercegovine, Zakonom o visokom obrazovanju u Brčko distriktu Bosne i Hercegovine i Pravilnikom o akreditaciji visokoškolskih ustanova i studijskih programa u Brčko distriktu Bosne i Hercegovine.

U skladu sa svim gore navedenim, postupljeno je kao u dispozitivu ovog Rješenja.

#### **Pouka o pravnom lijeku:**

Protiv ovog Rješenja nije dopuštena žalba, ali se može pokrenuti upravni spor tužbom kod Osnovnog suda Brčko distrikta Bosne i Hercegovine, u roku od 30 dana od dana dostavljanja Rješenja.

#### **DOSTAVLJENO:**

1. Internacionalnom univerzitetu u Brčko distriktu BiH,
2. Agenciji za razvoj visokog obrazovanja i osiguranje kvaliteta BiH,
3. Odjeljenju za obrazovanje 2x,
4. Evidenciji 2x,
5. Arhivi.

Šef Odjeljenja za obrazovanje

Senad Osmanović, prof.



